



## **Universitätsbibliothek Paderborn**

**Dissertationes Juridico-Theologicæ De Jure, & Justitia**

**Karchne, Simon**

**Augustæ Vindelicorum ; [Graz], 1714**

§. IX. Quæ bona accepta à patre in vivis conferenda sint, aut in legitimam  
computanda

**urn:nbn:de:hbz:466:1-40013**

etsi filius familias sit pubes minorenus, ita Sanch. Molin. Haunold. tract. 8. n. 237. & alij cum Legistis contra communem Canonistatum innitentium C. Constitutus de in integrum restitut. Verum hinc nullum argumentum sumi potest quia in eo narratur Patis factum de alienatis quibusdam maternis bonis ad filios devolu-

tis: quætentibus filijs Papa jubet alienationem declarari nullam, si aliqua debita solennitas defuit.

*Resp.* Tertiò filius familias potest sine alio consensu Patris alienare constitutus ab eo negotiator cum peculio proficitio Haunold. tract. 8. n. 238. ex §. 10. *Instit. de actionibus.*



### §. IX.

#### Quæ bona accepta à Patre in vivis conferenda sunt, aut in legitimam computanda.

119. **Q**uartitur primò quid sit bonorum collatio, & quibus imponitur conferendi onus? *Resp.* Ad primum cum Molin. *Disput.* 237. est allatio in communem bonorum defuncti parentis acerrum (ex quo legitima debetur) eorum profectiorum bonorum quæ affrentis effecta erant, ut cum alijs tanquam hæres in eo succedat.

*Resp.* Ad secundum primò debere conferre solos descendentes Haunold. tract. 6. n. 542. ex communi Theologorum, & Juristarum. Secundò secundum omnes, quando concurrunt sui cum suis, id est, constituti in patria potestate cum constitutis in eadem. Conferre debent bona profectitia, ut dorem, donationem propter nuptias. Tertiò certum est emancipatos concurrentes cum suis conferre his debere per legem sextam Cod. de collat. bonorum. Quartò secundum Haunold. tract. 6. n. 550. vera est in puncto juris sententia Decij, aliorumque contra Bartholom, quod emancipati emancipatis non conferant per legem 9. Cod. eo-

dem: *Si emancipati, inquit, utrique à Patre fuisti, collatio cessat. Ceterum si non tenentur conferre, quibus Pater expresse cavit eos non teneri conferre, Novel. 15. c. 6.*

120. Quæritur secundò, quæ regula præ oculis habenda ad intelligendum, quæ bona sint collationi subjecta? *Resp.* cum Haunoldo n. 557. Generalem regulam posse esse hanc, illa sola sunt collationi subjecta, quæ sunt accepta ab eo, & ex ejus bonis, ex cuius bonis legitima debetur *Leg. 29. Cod. de inoff. test.* *Si,* inquit, *ex substantia ejus profecta sit, de eius hereditate agitur:* Unde sola bona profectitia, quæ ex Patre, vel Matre, vel linea paterna, aut materna proveniunt conferri debent in legitimam portionem (quæ debet obvenire vel à Patre vel à Matre) non tamen omnia, sed tantum, quæ specialibus legibus compatrijubentur, *L. 20. Cod. de collat. bonorum,* aut etsi ex Origine non sint profectitia, pro talibus tamen à jure habentur in certo casu, prout dos data à Matre,

Q 3

aut

aut ayo materno habet pro profectitia in Successione in bonis, è quibus dos data est. Clicèt alijs dos sola à Patre data profectitia sit, data verò ab alijs adventitia, quæ jure novo non confertur, L. fin, c. eod. Leg. penultima Cod. eodem, licet alijs dos sola à Patre data profectitia sit, data verò ab alijs adventitia, quæ jure novo non confertur L. Cod. eodem.

Observat hic Haunold, n. 560, ex Perez ad citaram legem 20, quod imputatio in legitimam, & collatio bonorum non habeant locum in uno, & eodem Successionis genere, sed in diverso, nam imputatio in legitimam sit in Successione ex Testamento, ut per illam imputationem sustineatur testamentum collatio verò in Successione ab intestato.

Ad præfata generalem Regulam spectat distinctio inter donata liberis à patentibus donatione ob causam, & donata donatione simplici: hic per donationem ob causam non intelligitur donatio remuneratoria, sed facta ad quidpiam necessarium, aut utile, sicut pīm, ut dos, donatio propter nuptias & talia conferenda sunt, ac in legitimam computanda, nisi expressè testator cavisset ita DD: ex Auth. ex Testamento Cod. de Collat. bonorum, de donatis verò donatione simplici est controversum, de quo infra.

121. Quaritur tertio an conferenda dos, & contrados, seu donatio propter nuptias, & quid si dos ab ayo Materno vel Matre data; quando succeditur in bonis Matris aut avi materni? Resp: Primo si dos, aut contrados, seu donatio ante nuptias sit extracta ex Substantia, de cuius hereditate agitur, ea imputanda est in legitimam per legem, 20 Cod. de inoff. test. debeique confes-

tū per legem penultimam Cod. de collat. bonorum apud Haunold, n. 560.

Hic Author singulariter distinguit conformiter jure inter dotem, & donationem antenuptiale promissam, aut jam traditam: promissa non confertur formaliter, seu re ipsa, sed æquivalenter, seu virtualiter, nempe per Cautionem defensionis, id est, filia debet cavere fratribus, cum quibus succedit, quod adversus Maritum, cui competit exactio promissæ dotis, sint defendendi Lege 2, Cod. de Collatione bonorum. Proinde eo casu, si filia æquam portionem suam ab intestato est consecuta, Maritus alias à fratribus dotem promissam nequit pretendere, quia ea portio est loco dotis, & hoc modo dicitur virtualiter collata.

Si autem dos est jam tradita, tunc hinc est re ipsa conferenda, & confundenda cum bonis paternis, L. 8. Cod. eodem, quod esse intelligendum bene observat Perez apud cit. Haunold: si filia dotem exegerit post factum cum Marito divor- tium, aut hujus mortem; Si enim nondum sit solutum Matrimonium, dos existens apud Maritum confertur remissione, hoc est, filia tantam partem ex portione paternorum bonorum sibi competente fratribus suis remittere, quantam ex dote fratres accipere debent, L. 5. Cod. eodem.

Limita Responsum de collatione datum, nempe si dos apud Maritum sine uxoris culpa perierit, conferti non debet: ita Haunold, n. 560, Argumento Legis pri- maff. eodem & ex generali Regula, quod debitor specie liberetur ejus inceritu.

Resp: Secundo ad Tertium esto dos à Matre aut ayo materno data sit re ipsa adventitia, nihilominus, dum filia cum alijs succedit in bonis maternis & mater-

ni avi, hebetur pro profectitia, quando  
dos ex ijsdem fuit extracta per Legem  
penultim. Cod. eodem. apud Haunold.  
n. 563.

122. Quaritur quartò, an factæ ex-  
pensæ in elocationem filiæ, scilicet in  
vestes nuptiales, convivium, & patri-  
monium à Patre filio assignatum pro  
titulo Mense ad Ordines, & sumptus pro  
eo facti studiorum tempore, & in visi-  
tandis Provincijs, addiscendis, peregrini-  
nis linguis, exercitijs Equestribus &c.  
debeant conferri. De his Conditionibus  
disputant Doctores apud Haunold. à  
n. 565.

Resp. Primo vestes pretiosas esse  
conferendas secundum valorem, quem  
habent tempore facienda collationis, se-  
cùs quoad usum medij temporis, quia is  
spectat ad alimenta.

Resp. Secundo sumptus in epulas  
nuptiales non debere conferri contra And.  
Gallium supponentem falso, quod hi sum-  
ptus sint accessorium dotis, hæc enim ser-  
vit sustentandis oneribus Matrimonij;  
dicti autem sumptus absumuntur eo mo-  
do, quo pretiosus suffit in nuptijs ac-  
census absumeretur, quem nemo dicere  
conferendum: quare hi sumptus censem-  
tur spontanei in honorem filiæ fieri. I-  
dem dic de convivio à Patre instructo pro  
primitijs filijs, aut ingressus in Religio-  
nem. Haunold. n. 562.

Resp. Tertiò affirmativè cum Vasq.  
Lug. Haunold. n. 505. contra Gomez de  
patrimonio in titulum Mensæ, quia datur  
ob causam non minus, quam dos, nem-  
pe ob susceptionem Ordinum, aliqualiter  
Spirituale Matrimonium continentium.

Resp. Quartò circa sumptus in stu-  
dia (proinde in libros pretiosos, gradus  
Academicos &c.) & ad visitandas Provin-

cias an conferendi sint, spectandam esse  
consuetudinem, at secundum jus com-  
mune, quando non pœcessit parentum  
protestatio, seu probari nequit expensas  
factas esse animo rependi; illæ in suc-  
cessione ab intestato conferti non de-  
bent, neque in legitimam computari in  
successione ex Testamento, ita deciditur  
de filio emancipato in lege 50. ff. Fa-  
milie exciscundæ, quam vide apud  
Haunold. numero. 567.

Confirmatur expensæ pietati, ac  
liberalitati paternæ aut maternæ impu-  
tantur, ubi non constat de animo cre-  
dendi per legem s. Cod. ad S.C. Maced. &  
arg. L. II. C. de negot. gestis, ibi: si quid  
autem &c.

Responsum datum est Molinæ Disp.  
238. versu. de expensis, ubi etiam ne-  
gat collationem sumptuum in promotio-  
ne filij ad Officium publicum invendibile,  
ac in hæredes intransferibile. Idem dic  
de expensis cuiusvis alterius artis Mecha-  
nicæ addiscendæ factis utpote ad alimen-  
ta spectantibus, ita citatus Molin. Disp.  
239. ubi addit versu dubium est &c. nec  
Patrem, nec ejus hæredes teneri ex com-  
muni massa solvere expensas necessarias,  
ut filius incepit studia absolvat. Vasq.  
apud Haunoldum n. 566, vult expensas in  
studia &c. esse conferendas (cum com-  
muniter excedant alimenta) saltem quoad  
exclsum, at ceteri Doctores communiter  
negant teste Haunoldo, quorum opinio-  
nem ipse videtur tueri, censet tamen es-  
se attendendam consuetudinem.

123. Quaritur quatuor An fructus  
bonorum immobilium filio ad nuptias  
datorum conferendi sint cum eorum sub-  
stantia, aut eidem uxori ducenti à  
Patre promissâ certâ Summâ annuâ pro  
alio-

alenda uxore subsit oneri collationis? quid de Summâ datâ pro filij redemptio-  
ne è captivitate aut à vinculis, aut à pœ-  
na ex delicto? & an pretium, quo Pater  
filio emit Officium sit in legitimam com-  
putandum?

*Resp.* Primò cum Haunold, n. 564.  
ex Molin, & Lugo non esse conferendos  
fructus, sed solam bonorum substantiam,  
uti nec annuam Summam, Ratio, quia  
non minus hæc, quam fructus sunt ali-  
menta filij conjugati.

*Resp.* Secundò est conformius di-  
cis n. 116. Conferendam esse, aut in le-  
gitimam computandam Summam pro eli-  
beratione filij à captivitate, vinculis aut  
à pœnis datam: quia licet Pater movea-  
tur paternâ pietate ad eam dandam, dat  
tamen ob causam satis necessariam ergo  
non ex mera liberalitate per numerum  
120. in fine Haunold n. 575. contra Mol.  
*Disput.* 240. innitentem legi 17. Cod. de  
postliminio reversis.

*Resp.* Tertiò Inter Officia vendibi-  
lia, & transferibilia ad hæredes, & offi-  
cia personalia, seu non transferibilia distingendum esse. De primis computan-  
das esse expensas concordant Theologi-  
cum Juristis, secus de posterioribus jure  
Bavatico, in plures id ipsum procedere  
secundum jus Commune censem: qui-  
bus non improbat Haunold, n. 577. ad-  
huc et, Molin, *Disput.* 238. à nobis re-  
latus n. 122. in Respolio quarto de ex-  
pensis factis pro beneficio, commendis,  
doctoratu &c. sunt enim omnia personalia.

124. Quæritur sextò an donatio sit  
conferenda? *Resp.* Primò affirmativè de  
donatione ob causam per numerum 120.  
nisi Pater oppositum expressisset sine præ-  
judicio, seu diminutione legitimæ a-  
lijs prolibus debita Molin, Cis, cum

Laym. Lib. 3. tract. 4. c. 12. n. 13.

*Resp.* Secundò negativè de dona-  
tione remuneratoria seu antidorali, debe-  
tur enim filio ob merita & peculio ad-  
ventio accensetur apud Laym. n. 14. ex  
Molin. *Disput.* 244. id ipsum amplian-  
tem ad donata filio proficisci ad mi-  
litiam, aut proprietatis aulam, quia te-  
putantur pro Castrenibus bonis.

*Resp.* Tertiò Donata donatione  
simplici per jura non improbata quin sta-  
tim ab initio eorum donatio valeat, li-  
beralitati Patris sunt attribuenda, proin-  
de non sunt computanda in legitimam  
nec conferenda, Haunold, n. 579. do-  
nata vero donatione non valente, nisi  
morte donatoris confirmata, cum ha-  
beant vim legati, aut in supplementum  
legitimæ imputanda, nempe in Successio-  
ne ex Testamento. An autem in Succes-  
sione ab intestato conferri debeant, est  
incertum. Haunold: n. 590. negat ex  
communiore, & recepta Sententia per se  
loquendo, per se inquam loquendo, quia  
conferri debent, quando alius filius de-  
beret conferre donationem propter nu-  
ptias, aut filia dotem, aut donationem  
emancipato factam ob causam, tunc enim  
ad evitandam inter proles inæqualitatem  
donationes simplices morte Patris confir-  
matæ conferri debent propter textum ex-  
pressum in L. 20. Cod. de collat. honorum,  
cui graviter videtur adversari L. 13. Cod.  
eodem. Ad quam varias rafert respon-  
siones Haunold, à n. 581. ac tandem n.  
585. ait Resolutionem procedere non lo-  
culum de filijsfamilias, sed etiam de emanci-  
patis contra Fahin. nempe non esse confe-  
renda, quia donationes tales emancipatis  
factæ statim valent. Quomodo autem fa-  
cienda sit collatio, vide Haunold, n. 580.

§. X.